

Ҳадис дарслари (120-дарс). Исломнинг умумий қоидаси



13:30 / 20.01.2021 5447

هُلَّلَا يَلَّصِرْ هَلَلْ لَ الْوُسْرَ أَنْعَيْ أَبِ إِذِ الْاُنْكَ؛ لَاقُ هُنَّعُ هَلَلْ لَ يَضَرَّ رَمُعَ نَبِ الْاَنْعُ
مُتَّعَ طُتْ سَا امِ يَفِ اَنْ لُ لُ قَيَّ عَ اَطْلَ اَوْ غُ مَّ سَلْ لَ اَيْ لَ عَ مَّ لَ سَ وِ هَيْ لَ عَ

Ибн Умар розияллоҳу анҳудан ривоят қилинади:

«Қачонки Расулуллоҳ соллаллоҳу алайҳи васалламга қулоқ осиш ва итоат қилиш ҳақида байъат қилсак, сизга, тоқатларингиз етган нарсада», дер эдилар».

Шарҳ: Абдуллоҳ ибн Умар розияллоҳу анҳунинг бу гапларидан кўриниб турибдики, саҳобалар томонидан Расулуллоҳ соллаллоҳу алайҳи васалламга байъат такрорланиб турган. Расулуллоҳ соллаллоҳу алайҳи васалламнинг:

«Тоқатларингиз етган нарсада», дейишлари Ислоннинг умумий қоидасига мувофиқ гапдир. Ислонда инсондан унинг тоқатидан ташқари нарсани талаб қилиш йўқ.

Ушбу ҳадисдан олинадиган фойдалар:

1. Саҳобаи киромларнинг Расулуллоҳ алайҳиссаломга қайта-қайта байъат қилганликлари. Демак, раҳбар билан унга эргашганлар орасидаги аҳднома – байъат вақти келганда янгиланиб туриши мақсадга мувофиқ экан.
2. Расули акрам соллаллоҳу алайҳи васалламга қулоқ осиш ва итоат қилиш ҳақида ҳам байъат қилинганлиги.
3. Ислон динида инсонни тоқатидан ташқари нарсага таклиф қилиш йўқ эканлиги.

«Ҳадис ва ҳаёт» китобидан